



SULEQATIGIISITSISUT
SAMARBEJDSPARTIET

EM2018/58
Tillie Martinussen
15. november 2018

Pisortat ingerlatseqatigiiffiisa allattugaataanik innuttaasut piniarsinnaalersinnissaat anguniarlugu pisortat ingerlatsinerat pillugu paasitinneqarsinnaatitaanermut Inatsisartut inatsisaat allangortittariaqarnerseq pillugu apeqquteqaat allaavigalugu oqallinnissamik siunnersuut

(Inatsisartunut ilaasortaq Tillie Martinussen, Suleqatigiissitsisut)

Qularutissaanngilaq inatsisiliortoqarsinnaasoq Naalackersuisut akissutiminni oqaatigisaat sissuerlugit aamma pineqartup siunertaa qularnaarlugu immaqalu toqqaannartumik apeqquteqaat aallaavigalugu oqallisissiamik siunnersuuteqartup kissaataa piviusunngortillugu.

Pisortat ingerlatseqatigiiffiisa ingerlaneranni iliuuserisartagaallu pillugit unammilleqatigiinnermut tunngasortaa allattugaatinik paasiniaanermi akigisariaqarpassinngilaq.

Assersuutigalugu soorlu allattugaatinik tunniussisoqarsinnaavoq pineqartillugit nammineq paasissutissaatit, aamma inunnut paasissutissat pillugit inatsimmi pineqartoq. Aamma pisortat ingerlatseqatigiiffiini aningaasatigut ingerlatsineq, angalanerit assigisaallu pillugu allattugaatinik paasiniaasoqartillugu tunniussisoqarsinnaakuttoorpoq.

Aamma allattugaatinik takorusuisoqartillugu suliariumannittuussinernut tunngasut angissusaallu, pilersuisussatut toqqakkat il.il. tunniunneqartarsinnaapput.

Annlaanngatigineqarpat unammillersinnaassuseq innarlerneqassasoq, taava inatsimmi pineqartumi ilanngunneqarsinnaapput suut tunniunneqarsinnaassannginnersut soorlu:

- Nakkutilliinerit, suliariumannittussarsiuussinerit imaluunniit pilersaaruserit ataqqineqarnissaat
- Niuertutut ingerlatsinerup ataqqineqarnissaa aamma aningaasatigut soqutigisat
- Ingerlatsinerit teknikkimullu tunngasut
- Sulisunut ataasiakkaanut tunngasut aamma inuinnarnut imaluunniit aningaasaqarnermut tunngasut.
- Naalagaaffiup nunanut allanut politikimi soqutigisaasa ataqqineqarnissaat
- Naalagaaffiup isumannaatsuunissaata imaluunniit naalagaaffiup illersornissaata ataqqineqarnissaa.

Tamatuma saniatigut aamma pappiaraatit paasissutissallu allat tunniunneqarsinnaanngitsunut ilanngunneqarsinnaapput allattugaatinik tunniussisussaataaneq killilersorneqarpat nipangiussimasussaataaneermut aalajangersakkanik inatsisit allat naapertorlugit.

Taamatut oqaaseqarluta oqallittoqarluarnissaa kissaatigaarput.